



Amerikaners hulle pragtige natuurskoon waardeer en koester. Hulle besoek die plekke in hulle miljoene elke jaar.

Die natuurskoon, landskappe en panoramiese uitsigte is `n sensoriese oorlading. Alles is groter, verder, hoër. Majestieus en wow. Onmoontlik om in foto's of video's vas te vang. Pragtigste kampeerplekke en staproetes langs die riviëre en *canyons*. En die *RV's*, *motorhomes* en karavane het my bek laat kwyl. Begeerte wat halflyf uithang, maar ek reken daai goed kan nie juis *off-road* gaan nie en sal beslis nie in Mabua uitkom nie. Dalk selfs nie eers in Kwass nie. Sal vir eers met Moses en Skillie vasbyt, maar hulle het moer lekker ander *off-road* speelgoed!

Dis onvermydelik om telkens met *huis* te vergelyk. So het ons dele van die Karoo, die Oos-Vrystaat, die Boland, die Tuinroete en die suide van Namibië "gesien". Selfs dele van die Richtersveld, Noord-Kaap se Oranjerivier, die Drakensberge en vele ander.

Maar mens moet perspektief behou. Net soos by ons, het die Amerikaners ook groot uitdagings en probleme. Die voortdurende sinnelose skietery – soos by ons - van onskuldige mense (ons was toevallig - maar darem nie te naby nie - in Chicago met die *4th of July* skietery daar). Die jongste aborsie wetgewing en die *gun control* debat gaan die Amerikaners in twee skeur. Ook die ondersoek en debatte oor Donald Trump se gesanik dat die vorige presidentsverkiesing "gesteel" is en die stormloop daarna na die *Capital*. En die volgende presidentsverkiesing is al weer om die draai. En Trump wil weer staan!

Hierdie kwessies laat mens onvermydelik aan *huis* dink. Ons eie Prez wat tans onder groot politieke druk is. Homself voortdurend in die voet skiet en eerder vir die ANC, as vir die land, *bat*. En dan ons eie *useless* politici wat self wêreldklaskampioene in sinnelose uitsprake en aansprake is. En, in die VK lyk dit, het Boris ook `n lekker boggerop op hande.

Maar dis lekker om weer by die huis te wees – al was dit 24 uur laat weens `n vertraging in aansluitingsvlugte.

Tot volgende keer.
Anton

There is nothing half so pleasant as coming home again - Margaret Elizabeth Sangster.
The magic thing about home is that it feels good to leave, and it feels even better to come back -. Wendy Wunder.



EDITORIAL TEAM

Elise-Marie Steenkamp - elise-marie@hortgro.co.za
Kyra-Kay Rensburg - kyra-kay@hortgro.co.za
Kara van der Berg - kara@hortgro.co.za

CONTACT US
021 870 2900
www.hortgro.co.za

[Manage](#) your preferences | [Opt Out](#) using TrueRemove™
Got this as a forward? [Sign up](#) to receive our future emails.
View this email [online](#).

258 Main St, Buitenverwagting | Paarl, Western Cape 7646 ZA

This email was sent to .
To continue receiving our emails, add us to your address book.

[Subscribe](#) to our email list.